

Д.НАЦАГДОРЖИЙН НЭРЭМЖИТ УЛААНБААТАР ХОТЫН
НИЙТИЙН ТӨВ НОМЫН САНГИЙН 2018 ОНЫ ЭХНИЙ ХАГАС ЖИЛИЙН
ҮЙЛ АЖИЛЛАГААНЫ БОЛОН БҮТЭЭГДЭХҮҮН НИЙЛҮҮЛЭХ
ҮР ДҮНГИЙН ГЭРЭЭНИЙ ТАЙЛАН

2018 оны 06 дугаар сарын 25

Улаанбаатар хот

Нэг. БОДЛОГЫН БАРИМТ БИЧГИЙН ХЭРЭГЖИЛТ, ҮР ДҮН

**Нийслэлийн Засаг даргын Үйл ажиллагааны мөрийн хөтөлбөр болон Эдийн засаг,
нийгмийг 2018 онд хөгжүүлэх үндсэн чиглэлийн биелэлт**

Нийслэлийн Засаг дарга бөгөөд Улаанбаатар хотын захирагчийн 2016-2020 оны үйл ажиллагааны хөтөлбөр, эдийн засаг, нийгмийг 2018 онд хөгжүүлэх үндсэн чиглэлийг хэрэгжүүлэх арга хэмжээний хүрээнд олон нийтэд мэдээ мэдээллийг түгээх, тэдэнд зориулсан соёл танин мэдэхүй, соён гэгээрүүлэх чиглэлийн ажлуудыг дараах байдлаар зохион байгуулан ажиллав.

3. БАЙГАЛЬ ОРЧИН, НОГООН ХӨГЖИЛ

3.2.1. Нийслэлийн суурьшлын бүсийн хөрсний доройтол, бохирдлыг бууруулах төсөл хэрэгжүүлэх, суурь судалгааг оновчтой хийж, олон нийтэд хөрсний бохирдлын талаар ойлголт, мэдээлэл өгөх ажлыг зохион байгуулна

“Агаарын бохирдол”, “Гэр хорооллын дахин төлөвлөлт”, “Ногоон Улаанбаатар”, картын сан 6 нэр төрлийн тогтмол хэвлэлийг ашиглан шинээр буюу үргэлжлүүлэн хийж 80 нийтлэл мэдээгээр баяжуулав.

“Утаанаас хамгаалах арга”, “Агаарын бохирдолоос сэргийлье”, “Агаарын бохирдол ба эрүүл мэнд”, “Улаанбаатар хотын түүхээс”, “Бүгдээрээ мод тарья”, “Мод бол хүчил төрөгч үйлдвэрлэгч” гэх мэт сэдвүүдээр 15 төрлийн цуврал үзэсгэлэнг 104 ширхэг материалаар зохион байгууллаа. Уг үзэсгэлэнг давхардсан тоогоор 1322 хүн хамрагдлаа.

“Бидний гэр-Эко орчин” сэдэвчилсэн номын үзэсгэлэн, “Агаарын бохирдол гэж юу вэ?”, “Агаарын бохирдлын хор нөлөө”, “Байгаль хамгаалах уламжлалт ёс”, “Эрүүл мэндээ хэрхэн хамгаалах вэ?” зөвлөмж, мэдээллийг 32ш материалаар 4 удаа гаргасныг 150 орчим иргэн сонирхсон.

3.2.6. Иргэдэд экологийн боловсрол олгож, амьдралын зөв дадлыг төлөвшүүлнэ заалтын хүрээнд Төв болон салбар номын сангууд “Их хотын иргэдийн экологийн боловсролд” сэдвийн хүрээнд “Ногоон хөгжлийн төлөө хамтдаа”, “Уур амьсгалын өөрчлөлт ба монгол орон”, “Хүлэмжийн нөлөө ба дэлхийн дулаарал”, “Эрүүл хөрс энх амьдрал” сэдэвчилсэн номын үзэсгэлэнг нийт 55ш номоор, “Экологи” самбарын мэдээллийг 19 ширхэг материалаар шинэчлэн тус тус сурталчлахад нийт 282 иргэн хамрагдсан.

Өнөөдөр, Өдрийн сонин, Зууны мэдээ гурван нэрийн өдөр тутмын сонин ашиглан “Агаар ба хөрсний бохирдол” картын санг 45ш, “Ногоон хөгжил” картын санг 25ш карт бичиж баяжуулан уншигчдад сурталчилсан байна.

4. НИЙГМИЙН ХӨГЖИЛ: 4.1. Боловсрол

4.1.17. Нийслэлийн Засаг даргын нэрэмжит “Эрдмийн аялал” аян зохион байгуулж, Шинжлэх ухааны Академийн харьяа хүрээлэн, номын сан, музей, түүхийн дурсгалт газар, орон нутгийн байгууллага, үндэсний үйлдвэрийн үйл ажиллагаатай танилцах аялалыг тогтмол зохион байгуулна.

“Эрдмийн аялал” аяны хүрээнд 247-р цэцэрлэг, ерөнхий боловсролын 5, 23, 33, 47, 48, Эрдмийн ундраа цогцолбор сургууль, Атланта дунд сургууль, Англи хэлний “Кингс Кидс” бүрэн дунд сургуулийн нийт 340 орчим сурагч хүүхдүүдийг төв болон салбар үйл ажиллагааг танилцуулж, уншигчаар бүртгэн, уншсан номынхоо талаар саналаа солилцож тэмдэглэл хөтлөх арга ажиллагааны талаар тойм яриа зохион явууллаа.



4.3. Соёл, урлаг

4.3.1. Бүх шатны боловсрол, соёлын байгууллагууд болон олон нийтийн сүлжээг ашиглан соёлын боловсрол олгох “Хотын соёл” олон нийтийн аяныг өрнүүлнэ.

Мөн номын санчдад зориулан харилцаа хандлагын чиглэлээр Хүний хөгжил оюуны төвийн гүйцэтгэх захирал Б.Мөнгөнийг урьж уулзалт, лекц зохион байгууллаа.

4.3.2. Д.Нацагдоржийн нэрэмжит Улаанбаатар хотын нийтийн төв номын сангийн үйлчилгээг орчин үеийн стандарт, шаардлагад нийцсэн цахим хэлбэрт шилжүүлж, алслагдсан дүүргийн соёлын ордны номын сангийн хүртээмжийг хоёр дахин нэмэгдүүлэх зорилгоор дараах ажлуудыг хийлээ.

1. “Нэг үнэмлэх 9 номын сан” төслийг хэрэгжүүлж, алслагдсан дүүргүүдийн Соёлын ордны номын сантай холбох ажлын хүрээнд Улаанбаатар хотын нийтийн төв номын сан, алслагдсан дүүргүүдийн буюу Багануур, Багахангай, Жаргалтын соёлын ордны 20 номын санчдад каталогжуулалтын сургалтыг каталогч Н.Одхүү 2 удаа, уншигч бүртгэлийн ганцаарчилсан сургалтыг 5 номын санчдад программист О.Цог 1 удаа тус тус зохион байгууллаа.

Алслагдсан дүүргүүдийн соёлын төвийн номын сангуудын номын мэдээллийг КОХА програмын электрон каталогт оруулах ажлын явц 2018 оны 06 дугаар сарын 25-ны өдрийн байдлаар

- Багануур дүүргийн соёлын ордны номын сан 6517 ш /51%/
- Багахангай дүүргийн соёлын ордны номын сан 1596 ш /78%/
- Налайх дүүргийн соёлын ордны номын сан 126 ш /1%/ номуудыг тус тус оруулаад байна.

2. Улаанбаатар хотын нийтийн төв номын сангийн үйлчилгээг RFID /цахим номын сан/ технологийг үйлчилгээндээ нэвтрүүлэх ажлыг үргэлжүүлэх ажлын хүрээнд төв номын сангийн үйлчилгээнд RFID технологийг нэвтрүүлэх ажлыг эхлүүлэхэд шаардлагатай үлдэгдэл тоног төхөөрөмжийн судалгаа гарган 2018 оны 04 дүгээр сард Нийслэлийн хөрөнгө оруулалтын газарт тендерийн материалыг хүргүүлсэн.

Нэмэлтээр ирэх тоног төхөөрөмжүүдийг хүлээн авснаар RFID технологийг Төв номын сангийн “А” танхимд бүрэн нэвтрүүлэх боломжтой болно.

4.3.5. “Аз жаргалтай хот” соёл урлагийн цогц арга хэмжээ зохион байгуулж, Улаанбаатар хотын нэрийн бүтээгдэхүүнийг нэмэгдүүлнэ.

“Эгшиглэн Классикал мюзик” ХХК-тай “Аз жаргалтай нийслэл Улаанбаатар хотын соёл, урлагийн төслийн хамтран ажиллах гэрээ”-г 2018 оны 03 дугаар сарын 13-ны өдөр 2 жилийн хугацаатай байгууллаа. Тус компани нь номын сангийн фондыг дэлхийн болон сонгодог урлагийн бүтээл, хараагүй болон хөгжлийн бэрхшээлтэй иргэдэд зориулсан сонсдог бүтээлээр фондын баяжилт хийх, хөгжмийн сургалт, лекц, семинар зохион байгуулах чиглэлээр хамтран ажиллахаар болсон.

4.5. ХҮҮХЭД, ГЭР БҮЛИЙН ХӨГЖИЛ:

4.5.7. Нийслэлд “Гэр бүлийн өдөр”-ийг тэмдэглэхийг хэвшүүлж, гэр бүлийн халуун дулаан уур амьсгалыг бий болгож, тогтвортой харилцааг төлөвшүүлнэ.

Ч.Лувсанжав, Ш.Бадарч, Ш.Энхбаяр нарын уран бүтээлийн жишээ нь дээр “Хүүхдийн зохиолын намтар бичлэг, аялгуут болон бичгийн үлгэр зохиолын өнөөгийн байдал” сэдэвт эрдэм шинжилгээний хуралд 56 уншигч,

“Миний хайртай ээж” зохион бичлэгийн уралдаанд нийт 23 хүүхэд оролцож 1-р байранд 5-р сургуулийн 6б ангийн сурагч Мягмардорж, 2-р байр тус ангийн Б.Намуундарь нар шалгарлаа.

“Америкт суралцах 5 алхам” сэдэвт лекцийг АСМТ-ийн ажилтан Одмаа ирж америкт хэрхэн тэтгэлгээр суралцах боломж байгаа тухай мэдээлэл өгсөн. Уг лекцэнд 50-р сургуулийн 12б ангийн төлөөлөл нийт 25 уншигч идэвхтэй оролцсон.

“Аз жаргалтай гэр бүл”-ийн тухай 11 ширхэг хэвлэмэл материал, 1 ширхэг өнгөт зурсан зургаар үзэсгэлэн гаргалаа.

БЗД-ийн 45-р цэцэрлэгийн бэлтгэл бүлгийн А.Нарантуяа багштай бяцхан уншигчдын хүүхдийн баярын арга хэмжээнд нь оролцож “Дотно найз” номоор чанга уншлага хийлээ.

“Эссэ хэрхэн бичих вэ?” сэдвээр зохиолч П.Батхуягтай уулзалт зохион байгууллаа. Уулзалтад 10-12-р ангийн 18 сурагч хамрагдлаа.

Ерөнхий боловсролын 1, 47, 136-р дунд сургуулийн 107 сурагчдад, сургуулийн өмнөх насны 32-р цэцэрлэгийн 45 хүүхдүүдэд “Улаан малгайт” үлгэрээр, “Ховдог хулгана” үлгэрээр, “Нэмнээтэй хонь” үлгэрээр тус тус чанга уншлага хийсэн.

Хөгжлийн бэрхшээлтэй хүүхдэд зориулсан “ШУВУУ” аппликейшний танилцуулга, зөвлөмж яриаг 1 удаа 40 хүн хийлээ.

Хоёр. ТОГТООЛ, ШИЙДВЭРИЙН ХЭРЭГЖИЛТ, ҮР ДҮН

1. Монгол улсын Ерөнхийлөгчийн 2003 оны 105 дугаар зарлигийг хэрэгжүүлэх ажлын хүрээнд жил бүр улс орон даяар уламжлагдан зохион байгуулагддаг “Үндэсний бичиг үсгийн баярын өдөр”-үүдээр дараах арга хэмжээнүүдийг зохион байгууллаа

Уулзалт:

ШУА-ийн Хэл зохиолын хүрээлэнгийн эрдэм шинжилгээний ажилтан Ж.Ууганбаатарын “Бичиг үсгийн түүх, гарал” сэдэвт лекцэнд СУИС-ийн оюутнууд, “Шинэ иргэншил” МСҮТ-ийн сурагчид, Хүүхдийн урлан бүтээх төвийн нийт 32 уншигч хамрагдав.

ШУА-ийн Хэл зохиолын хүрээлэнгийн эрдэм шинжилгээний ажилтан Ё.Мөнхбаттай “Монголчуудын бичиг үсгийн соёл” сэдэвт уулзалтыг зохион байгуулсан. Нийт 30 уншигч оролцсон.

МУБИС-ийн Нийгмийн Хүмүүнлэгийн ухааны тэнхимийн Монгол хэлний багш доктор дэд профессор Л.Жумдаан Үндэсний бичиг үсгийн түүх соёл гарал үүслийн талаар ЕБ-ийн 18, 52, 75-р дунд сургуулийн ахлах ангийн 43 сурагчидтай харилцан ярилцан, уран бичлэгийн хичээлийг заалаа.

Д.Нацагдоржийн нэрэмжит шагналт зохиолч Ц.Түмэнбаяртай уран бүтээлийн уулзалт зохион явууллаа. Уулзалтанд 28 уншигч хэрэглэгч оролцлоо. Зохиолчийн уран бүтээл болох 9 номоор номын үзэсгэлэн гаргасан.



ШУА-ийн Хэл зохиолын хүрээлэнгийн эрдэм шинжилгээний ажилтан Ё.Мөнхбаттай хийсэн уулзалт



ШУА-ийн Хэл зохиолын хүрээлэнгийн эрдэм шинжилгээний ажилтан Ж.Ууганбаатартай хийсэн уулзалт



Д.Нацагдоржийн нэрэмжит шагналт зохиолч Ц.Түмэнбаяртай уран бүтээлийн уулзалт



Үзэсгэлэн:

- “Уйгаржин монгол бичгээр бичигдсэн номууд” – 12 ширхэг ном, 28 ширхэг хэвлэмэл материалаар,
- “Монголчуудын бичиг, үсгийн түүх, соёл” – 14 ширхэг номоор,
- “Уйгаржин монгол бичиг бидний өв” – 26 ширхэг мэдээлэл, 13 ширхэг боть номоор,
- “Соёлын баримтат өв” – 13 ширхэг судраар,
- “Эх хэл соёл” – 15 ширхэг номоор,
- “Ховор номын үзэсгэлэн” – 22 ширхэг номоор,
- “Үндэсний бичиг үсгийн өдөр” – 15 ном, 10 судар, 5 хэвлэмэл хуудсаар,
- “Эх хэлээрээ зөв тод ярьж сурцгаая” 8 хуудас мэдээлэл
- “Монголчуудын бичиг үсгийн түүх” 8 хуудас мэдээлэл
- “Үндэсний бичиг үсгийг баяр” – 18 ном, 14 хэвлэмэл хуудсаар тус тус үзэсгэлэн гаргалаа.

Нийт 10 үзэсгэлэн гаргаж, уг үзэсгэлэнд 109 номоор, 63 хэвлэмэл хуудас, 23 судраар тус тус үзэсгэлэн зохион байгууллаа.



Мэдээлэл, зөвлөмж:

- “Уйгаржин монгол бичгийн онцлог” – 8 хуудас мэдээлэл, зураг
- “Монголчуудын түүхэн бичиг үсэг, гарал” – 16 хуудас мэдээлэл
- “Эх хэлээрээ зөв тод ярьж сурцгаая” - 8 хуудас мэдээлэл
- “Монголчуудын бичиг үсгийн түүх” - 8 хуудас мэдээлэл

Уралдаан:

Эх хэлээрээ зөв бичиж сурах, монгол хэлний хичээлээр олсон мэдлэгээ бататгах, эх хэл соёлоо хайрлан хамгаалах сэтгэл зүйг төлөвшүүлэх зорилгоор “Алтан үсгийн цоморлиг” уралдаанд 10 сурагч, “Үсэглэлийн хаад” зөв бичгийн уралдаанд ЕБ-ын 93-р дунд сургуулийн 44 сурагч, “Монгол бичгээр хэн сайн бичих вэ?” уралдаанд 105 сурагч, “Ном миний мөрөөдөл” эссэ бичлэгийн уралдаанд нийт 11 сурагч, асуулт хариултын “Алтан хонх” уралдаанд 20 хүн тус тус хамрагдлаа.



Эрдмийн аялал:

Ерөнхий боловсролын 47-р дунд сургуулийн Ононмөрөн багштай 76 анги, 48-р дунд сургуулийн Оюунтуяа багштай 9а ангийн 102 сурагчдыг номын сантай танилцуулах аялалыг зохион байгууллаа.

Номоо солилцье:

Үндэсний бичиг үсгийн баярт зориулсан “НОМОО СОЛИЛЦЪЁ” өдөрлөг 2018 оны 05 сарын 04, 05-ны өдрүүдэд болж өнгөрлөө. Өдөрлөгийн үйл ажиллагаанд 50 гаруй хувь хүмүүс, иргэд, мөн С.Буяннэмэхийн нэрэмжит “Номын өргөө”-нийхөн оролцож, номоо солилцов. Тус өдөрлөгөөр Хотын төв номын сан 50 гаруй номоор, “Номын өргөө”-нийхөн 69 номоор тус тус солилцоо хийж, фондоо баяжууллаа. Өдөрлөгийн үйл ажиллагааг MNC, VTV телевизээр тус тус сурталчиллаа.



2. Нийслэлийн Засаг даргын 2012 он А/606 дугаар “Мэдээллийн ил тод байдлыг хангах талаар авах зарим арга хэмжээний тухай” захирамж

Тайлангийн хугацаанд иргэдэд мэдээллийг ил тод, шуурхай хүргэх ажлын хүрээнд твиттерт 12193 жиргээ илгээгдэж, 450 дагагчтай, байгууллагын фейсбүүк хуудас 33990, үүнээс гадна АСМТ 15231 дэмжигчтэйгээр нийгмийн сүлжээгээр мэдээллийг түгээж байна.

3. Нийслэлийн Засаг даргын 2013 оны А/477 дугаар “Мэдээллийн аюулгүй байдлын журам” захирамж

Мэдээллийн системийг холбогдох стандартын дагуу зохион байгуулж ажилладаг бөгөөд номын сангийн үйл ажиллагаа, цаг үеийн шинжтэй мэдээлэл, шилэн дансны мэдээллийг нийтэд ub.pl.gov.mn, UB Public Library.Facebook цахим хуудсанд тухай бүрт байршуулж байна.

Байгууллага дотооддоо захирлын тушаал, үүрэг даалгавар, ажилтан, албан хаагчдын хувийн хэрэг, өдөр тутмын үйл ажиллагааны мэдээллүүдийг ажилчдын дотоод Facebook page болон дотоод сүлжээгээр мэдээллэдэг.

Номын сангийн нийт байр талбайн 10 хүртэлх хувь буюу үндсэн фонд болон Серверийн өрөө хаалттай бүсэд тооцогддог. Үндсэн номын фонд, серверийн өрөөнд зөвхөн эрх бүхий албан тушаалтан нэвтрэх эрхтэй бөгөөд аюулгүй ажиллагааны дүрмийг баримталж ажилладаг.

Ашиглагдаж байгаа бүх компьютер техник хэрэгслийг мэдээллийн ажилтнууд бүртгэлжүүлж, засвар үйлчилгээ, шинэ програм хангамж нэмэгдэх бүрт програмист болон хариуцагч ажилтан нар гарын үсэг зурж баталгаажуулдаг.

Мэдээллийн системийг хууль бус халдлагаас хамгаалах галт хана ашиглаж, мэдээллийн аюулгүй байдлыг хангах, мэдээлэлд зөвшөөрөлгүй нэвтрэх оролдлогыг таслан зогсоох, илрүүлэх зориулалтаар хамгаалалт, хяналтын техникийн систем, зориулалтын програм хангамжинд байнга хяналт тавьж ажиллаж байна.

4. Нийслэлийн Засаг даргын 2014 оны А/718 дугаар “Нийслэлийн нутгийн захиргааны байгууллагаас иргэн, хуулийн этгээдэд үзүүлж буй төрийн зарим үйлчилгээг онлайн хэлбэрт шилжүүлэх” захирамж

Онлайн каталог: <http://koha.pl.ub.gov.mn>-ийг Google Analytics тусламжтайгаар каталогт мэдээлэл хайж байгаа үзүүлэлт 2017 оны 12 дугаар сарын 25-наас 2018 оны 06 дугаар сарын 25-ныг хүртэл хугацаанд 55285 хэрэглэгч зочилж /visits/, 184753 хуудасны мэдээлэл үзжээ. Нийт электрон каталогийн хэрэглэгчдийн 83,5% нь шинээр орж байгаа хэрэглэгчид, үлдсэн 16,5% нь хуучин хэрэглэгчид тайлангийн хугацаанд холбогдсон байна.

5. Нийслэлийн Засаг даргын 2015 оны А/633 дугаар “Нийслэлийн нутгийн захиргааны байгууллагын албан хаагчийн ажил хүлээлцэх журам” захирамж

Нийслэлийн нутгийн захиргааны байгууллагын албан хаагчийн ажил хүлээлцэх журмын дагуу ажлаас чөлөөлөгдсөн 11, жирэмсний амралтаа авсан 2, шинээр болон эгүүлэн томилогдсон 6, шилжин ажилласан 5, хавсран ажиллаж байгаа 3 ажилтнуудын ажил хүлээлцэх комиссын гишүүдийг томилж, уг журмын хавсралт ажил хүлээлцэх маягтын дагуу цахим болон цаасан баримт, эд хөрөнгийг хүлээлцүүлэн тус бүр 3 хувь үйлдсэн.

6. Нийслэлийн Засаг даргын 2017 оны А/252 дугаар “Нийслэлийн байгууллагуудын хэмжээнд дагаж мөрдөх албан хэрэг хөтлөлтийн ажлын нийтлэг журам” захирамж

Энэхүү журмыг үндэслэл болгон “Албан хэрэг хөтлөлтийн журам”-ыг шинэчлэн боловсруулж номын сангийн захирлын 2018 оны 05 дугаар сарын 15-ны өдрийн А/14 дугаар тушаалаар баталсан. Уг журмыг холбогдох ажилтнуудад танилцууллаа.

2.6 дахь заалтын дагуу захирлын 2018 оны 06 дугаар сарын 05-ны өдрийн А/17 дугаар тушаалаар номын сангийн зохион байгуулалтын 6 нэгжид индекс олгож баталлаа.

2.9 дэх заалтын дагуу системд хүний нөөцийн шилжилт хөдөлгөөн, ажлаас чөлөөлөгдсөн нийт 7 хэрэглэгчийн эрхийг шилжүүлэх, өөрчлөлт оруулах, цуцлах үйлдлийг програмист холбогдох шийдвэрийг нь үндэслэн тухай бүр хийж гүйцэтгэж байгаа.

2018 оны эхний хагас жилийн байдлаар системд нийт ирсэн 81 албан бичиг бүртгэгдсэнээс системээр 70, НҮНТ-д 2, цаасан суурьтай 10 албан бичиг ирснийг бүртгэсэн ба цаасан суурьтай ирсэн бичигнээс 1 албан бичгийг системд бүртгэх боломжгүй байсан тул бүртгээгүй үлдсэн болно. 78 албан бичгийг хугацаанд нь шийдвэрлэн 4 албан тоотыг судалж байгаа төлөвтэй байна.

Тайлант хугацаанд системээр нийт явуулсан 45 албан бичгийг бүртгэсэн ба үүнээс албан хэрэг хөтлөлтийн систем ашигладаг 21, систем ашиглагдаггүй 24 байгууллага руу албан бичиг бүртгэн хугацаанд нь шилжүүлж шийдвэрлүүлсэн. Хяналтын зөрчилтэй 2 албан тоот илэрснийг холбогдох ажилтнуудад мэдэгдэж дахин зөрчил гаргалгүй ажиллах тал дээр зааварчилгаа, зөвлөгөө өгсөн.

Албан бичгийн шийдвэрлэлтийн байдал, үр дүнгийн талаар удирдах албан тушаалтанд нийт 7 удаа тайлагнасан.

Гурав. БАЙГУУЛЛАГЫН ҮЙЛ АЖИЛЛАГААНЫ ҮР ДҮН

3.1. Уншлага үйлчилгээ

Төв болон салбар номын сангийн хэмжээнд 2018 оны хагас жилийн байдлаар бүтээгдэхүүн нийлүүлэлтийг “хүснэгт 1”-ээр үзүүлбэл дараах байдалтай байна.


Хүснэгт 1

д/д	Бүтээгдэхүүний нэр	Төлөвлөгөө	Биелэлт	Хувь
1	Бүртгэлтэй уншигч	11385	8837	77.6%
2	Ирц	71500	64164	89,7%
3	Ном олголт	187475	140899	75,1%
4	НИЙТ ДҮН	270360	213900	79,1%

Тус номын сан нь тайлант хугацаанд төв болон салбар номын сангийн хэмжээнд хүлээлцэх ээлжит бус 4 удаагийн тооллого хийгдсэнээс шалтгаалан уншлага үйлчилгээний төлөвлөгөөний үзүүлэлт 79,1%-тай буурсан.

3.2. Гэрээр ном олгох үйлчилгээ

Тайлант хугацаанд уншигч хэрэглэгчдэд **140899** ном хэвлэл олгож үйлчилснээс 15% буюу 21089 ширхэг номыг гэрээр олгож үйлчилсэн байна.



3.3. Зөөврийн үйлчилгээ болон ном солилцоо

Номын сангийн тухай хууль болон БСШУ-ы Сайдын 2010 оны 570 дугаар “Зөөврийн номын сан ажиллуулах аргачлал” тушаалын дагуу “Ном хөтөлбөр”-ийн хүрээнд:

- Зэвсэгт хүчний 151 дүгээр ангид 50ш ном,
- 311 дүгээр ангид 10ш ном,
- “Оюутай хүүхэд хөгжлийн төв”-д 92ш ном,
- FIT club Mongolia клубт 20ш ном,
- ШШГЕГ-ын харъяа 407, 429-р хаалттай хорих ангид 105ш ном,
- Чингис хаан нисэх буудлын ажилтнуудад 50ш ном,
- МИАТ-ийн ажилтнуудад 50ш ном,
- ЕБ-ын 52-р дунд сургуулийн номын сан 37ш ном,
- ЕБ-ын 136-р дунд сургуулийн номын санд 130ш ном, нийт **544ш** номоор тус тус зөөврийн номын сангийн үйлчилгээ үзүүлсэн байна.

Нийслэлийн Соёл, урлагийн газартай хамтран сарын бүрийн эхний долоо хоногийн Бямба гаригт зохион байгуулж байгаа “Номоо солилцъё” аяны өдөрлөгт 4 удаа оролцож, нийтдээ 72 номоор, МУИС-ийн номын сантай 25ш ном, Идэр дээд сургуулийн номын сантай 26ш ном, ЕБ-ын 31-р дунд сургуулийн номын сантай Дэлхийн утга зохиолын чуулган 50 боть ном, ЕБ-ын 86-р дунд сургуулийн номын сантай 10ш номоор тус тус солилцоо хийлээ.



3.4. Интернет үйлчилгээ

Цахим хуудас: Нийслэлийн мэдээллийн технологийн газрын серверт байрласан Хотын төв номын сангийн вэб <http://www.pl.ub.gov.mn> -ийн агуулгыг шинэлэг байлгахад анхаарч ажиллаж байна. Манай сайтад нийт 71616 хүн зочилсон байна. Мөн вэб сайтад 49 мэдээ, мэдээлэл оруулсан байна.

Олон нийтийн сүлжээ: Тайлангийн хугацаанд иргэдэд мэдээллийг ил тод, шуурхай хүргэх ажлын хүрээнд твиттерт 12193 жиргээ илгээгдэж, 450 дагагчтай тус тус мэдээлэл түгээж байна. Мөн номын сангийн үйл ажиллагааг олон нийтийн сүлжээгээр сурталчлах, уншигчийн тоог нэмэгдүүлэх зорилгоор төв болон салбар номын сангууд, фэйсбүүк хаягийг нээн үйл ажиллагаагаа сурталчилж байна.

Төв номын сангийн <https://www.facebook.com/UBPublicLibrary1> хаяг - 33990 дагагч
БЗД дэх салбар номын сангийн Баянзүрх номын сан хуудас-5075найзтай
СХД дэх салбар номын сангийн Цамбагарав номын сан хуудас- 2460 найзтай
ХУДүүргийн салбар номын сангийн Facebook хуудас-1097 дагагчтай
Америк Соёл, мэдээллийн төвийн Facebook хуудас-15231 дагагчтай

Онлайн каталог: <http://koha.pl.ub.gov.mn>-ийг Google Analytics тусламжтайгаар каталогт мэдээлэл хайж байгаа үзүүлэлт 2017 оны 12 дугаар сарын 25-наас 2018 оны 06 дугаар сарын 25-ныг хүртэл хугацаанд 55285 хэрэглэгч зочилж /visits/, 184753 хуудасны мэдээлэл үзжээ. Нийт электрон каталогийн хэрэглэгчдийн 83,5% нь шинээр орж байгаа хэрэглэгчид, үлдсэн 16,5% нь хуучин хэрэглэгчид тайлангийн хугацаанд холбогдсон байна.

Манай сайтаар зочилсон

0071616

Visit Today : 40


Visit Yesterday : 81

This Month : 2675

This Year : 21495

Total Visit : 71616

Who's Online : 1



Интернэт сүлжээ: Д.Нацагдоржийн нэрэмжит Улаанбаатар хотын нийтийн төв номын сангийн Баянзүрх, Чингэлтэй, Хан-Уул, Сонгино-Хайрхан дүүргүүдэд тус бүрт уншигчдад зориулсан WiFi утасгүй интернэтийн үйлчилгээг үнэ төлбөргүй, харааны бэрхшээлтэй иргэд болон олон нийтэд зориулсан 33 ш компьютерийг өдөрт 1 цаг үнэ төлбөргүйгээр ашиглах боломжийг олгосон. Сонгино-Хайрхан дүүрэг дэх салбар номын сангийн интернэтийг Жи-Мобайлийн шилэн кабель болгон өөрчилсөн.

Үндсэн сүлжээ: Үндсэн сүлжээний хэрэглээ тайлангийн хугацаанд Интернэтийн татаж/download/ байгаа хурд хамгийн ихдээ 97,38 Mbps, дунджаар 3,37 Mbps, түгээж/upload/ байгаа хурд хамгийн ихдээ 66,96 Mbps, дунджаар 395,65 Kbps хүрсэн байна.

Утасгүй Интернэтийн сүлжээ: Утасгүй Интернэтийн сүлжээний хэрэглээ тайлангийн хугацаанд Интернэтийн татаж/download/ байгаа хурд хамгийн ихдээ 45.40 Mbps, дунджаар 10.2 Mbps, түгээж/upload/ байгаа хурд хамгийн ихдээ 25.79 Mbps, дунджаар 128.37 Kbps хүрсэн байна.

Тайлангийн хугацаанд суурин интернэтийг 12015 хэрэглэгч, утасгүй интернэтийг 5968 хэрэглэгч ашиглаж, нийт 17983 хэрэглэгчид интернэтийн үнэгүй үйлчилгээ үзүүлсэн. Төв болон салбар номын сангуудын интернэт үйлчилгээ хэвийн жигд явагдаж байна.

КОХА програм: Тайлангийн хугацаанд Коха програмд 1 удаа шинэчлэл хийж, одоо 3.22.6 хувилбараар ажиллаж байна. Түүнчлэн Коха програм үндсэн хуудасны загварт өөрчлөлт хийж, хэд хэдэн нэмэлт мэдээлэл тайланг харуулах боломжтой болсон. Салбар номын сангуудад шинэ хүн орсонтой холбогдуулан уншигч бүртгэл, ном олголтын модулуудын ганцаарчилсан сургалтыг 3 удаа явуулсан.

3.5. Фондын бүрдүүлэлт, хадгалалт хамгаалалтын талаар


2018 оны эхний хагас жилийн байдлаар 10 нэрийн 107ш 2,282,000 төгрөгийн шинэ ном, 229 нэрийн 853ш 7,209,050 төгрөгийн бэлэг хандивын ном, 21 нэрийн 22 ширхэг 164,000 төгрөгийн номыг солилцоогоор, 4 нэрийн 4ш 37,000 төгрөгийн номыг тус тус бүрдүүлэн авч АСМТ-ийн 219 нэрийн 239 ширхэг гадаад ном, нийтдээ 1225ш номонд техник ажиллагаа хийж, 452 нэрийн 1225ш номын мэдээллийг электрон каталогт оруулан, 1225ш баркод хэвлэсэн байна. Бүрдүүлэлтээр авсан бүх номыг Олон нийтэд үйлчлэх тасаг, салбар номын сангуудад хүлээлгэн өгч уншлаганд шилжүүллээ.

Тогтмол хэвлэлийн захиалгыг чанартай хийж, дугаар ирэлт, хадгалалт хамгаалалтанд хяналт тавьж, эхний хагас жилд төвлөрсөн номын сангийн хэмжээнд 29 нэр төрлийн 2,141,600 төгрөгийн тогтмол хэвлэл захиалан уншигчдад үйлчилж байна.

Мөн МХҮХ-ын Ярьдаг номын студийд 2017 онд хэвлэгдсэн 27 төрлийн номыг файлаар хүлээн авч фондоо баяжуулж, уншигчдын хүртээл болголоо.

3.5.1. Лавлагаа, номзүйн үйлчилгээ

Мэдээлэл, ном зүйн үйлчилгээний хүрээнд тайлангийн хугацаанд уншигч үйлчлүүлэгч, иргэдэд номын сангийн лавлагааны мессенжер, мэйл болон, бичгээр, утсаар, амаар нийт **2495** удаа лавлагаа өгсөн байна.



3.6. Ном хэвлэл сэлбэн засах

Урагдаж гэмтсэн нийт 1438ш номыг хэвлэлтийн анхны жинхэнэ хэлбэр байдлыг алдагдуулахгүйгээр сэлбэн зассан байна. Үүнд:

- Сэлбэн засагч 188 ш ном
- БЗД дэх салбар номын сан 31 ш ном
- ЧД дэх салбар номын сан 169 ш ном
- СХД дэх салбар номын сан 103ш ном
- ХУД дэх салбар номын сан 108ш ном
- Төв номын сан 839ш ном тус тус сэлбэн зассан байна.

3.7. Хөгжлийн бэрхшээлтэй иргэд /ХБИ/-ийн мэдээллийн үйлчилгээ

Ярьдаг номын сангийн уншлага, үйлчилгээ

2018 оны эхний хагас жилд 621 ирцэд 914 ном олгож үйлчилсний 181 номыг танхимаар, 720 номыг гэрээр, 13 номыг солилцоогоор тус тус олгож үйлчилсэн байна.

ХБИ-д 75 удаа лавлагаа өгсөн. Үүнд: Амаар 47, утсаар 28 тус тус өгсөн байна.

Англи хэлний ярианы клубыг 12 удаа хичээллүүлж давхардсан тоогоор 42 уншигч хэрэглэгч, Аньсхан, Хушгахан ТББ-тай хамтарч 3 удаа 16 оюутан залуус тус тус хамрагдсан байна.





“Номын далайд хамтдаа аялъя” уулзалтыг 3 удаа явууллаа. Номын сангийн идэвхтэн уншигч Ц.Отгонбаатар “Сэнтий түшсэн хатад” номоор, 116-р сургуулийн түүх нийгмийн багш Д.Сарантөгс “Зураачийн залуугийн хөрөг” номоор, 116-р сургуулийн 4А ангийн сурагч Сод-Эрдэм Р.М Баллантай “Шүрэн арал” номоор тус тус тойм яриа бэлтгэж уулзалтыг зохион байгууллаа.



Дэлхийн номын өдөрт зориулж сургуулийн бага ангийн хүүхдийн брайль болон товгор үсэгтэй 103 ширхэг номоор номын үзэсгэлэн гаргалаа.



Харааны бэрхшээлтэй хүмүүст зориулсан DAISY төв

Нийт 27 ном МХҮХ-ноос хүлээж авсан бөгөөд бичлэг болон мэдээллийг (DAISY) стандартийн дагуу бүтээгдсэн эсэхийг шалгаж хагас жилийн байдлаар 15 ном уншлаганд гаргасан байна.

Тайлангийн хугацаанд 40 орчим ХБИ-д дараах сэдвээр зөвлөмж өгсөн. Үүнд а/ Цахим ном уншигч төхөөрөмжийн хэрэглээ; б/ монгол хэлний ярьдаг програм болон компьютерийн хэрэглээ; в/ Facebook болон Gmail хэрэглэх; г/цахим брайлийг компьютерт хэрхэн суулгаж ашиглах тухай зөвлөмжүүд өгсөн байна.

ХБИ-д нийт 3 удаагийн технологийн сургалт зохион байгууллаа.Үүнд: ХБХ-ийн 116-р сургуулийн 4-р ангийн 8 сурагчдыг компьютерийн 10 хуруугаар бичиж сурах сургалт, МХҮХ-ний МСҮТ-ийн компьютерийн ангийн 4 суралцагчдыг хамруулсан “DAISY” технологийн 5-хоногийн сургалт, уншигчдын хүсэлтээр “DAISY” цахим ном тоглуулагч төхөөрөмжийн сургалт зохион байгуулж 10 ХБИ-ийг хамруулж тус тус зохион байгуулсан байна.


Уншлага үйлчилгээнд ашиглагдаж байгаа компьютер, DAISY ном тоглуулагч брайль принтер болон бусад техник хэрэгсэлүүдийн нийт 8 компьютерт гарсан 20 орчим саатал

доголдлыг засварлаж шинээр тохируулах дахин програмыг суулгах ажлуудыг хийж гүйцэтгэсэн.



Хагас жилд хийгдэх 2 удаагийн шинэчлэлт болон хуваарьт засвар үйлчилгээг нийт 10 компьютерт хийсэн бөгөөд “Windows” 10 үйлдлийн системийн шинэчлэгдсэн хувилбар болон хараагүй хүний дэлгэц уншигч “NVDA” програм, Монгол хэлний ярьдаг програмууд бүрэн ажиллагаатай байна.

Хагас жилийн байдлаар тус төвийн YOUTUBE суваг, Facebook групп дээр дүрс бичлэг, зурагтай 20 орчим мэдээлэл оруулсан байна. YouTube: хөгжлийн бэрхшээлтэй иргэдийн үндэсний мэдээллийн суваг; <https://www.youtube.com/watch?v=syUksUaXi8w>; Facebook групп: Хөгжлийн бэрхшээлтэй иргэдийн нэгдсэн бүлэг

Тайлангийн хугацаанд уншлага үйлчилгээнд цахим брайлийн эхний хувилбарыг бүрэн нэвтрүүлж дуусгалаа. Хараагүй хүний компьютерийн дэлгэц уншигч програм суулгасан бүх үйлчилгээний компьютерт цахим брайлийг ашиглах боломжтой болсон.



ХБИ-д зориулсан технологийн шийдлүүдийг хөгжүүлэх ажлын хүрээнд дэлхий даяар хараагүй хүмүүсийн өргөн ашигладаг “NVDA” дэлгэц уншигч програмыг Монгол хэлнээ орчуулж хэрэглээнд оруулах ажлыг гүйцэтгэж хагас жилийн байдлаар орчуулгын ажлыг дуусгаж Монгол дэлгэц уншигч програмын эхний хувилбар гарахад бэлэн болсон байна.



“UBPL Braille and Digital Access Library Service of the Blind” хуудсыг хөтөлж, 20 удаагийн мэдээ мэдээлэл оруулсан.

“Дэйзи сайн дурын уншигч бэлтгэх хөтөлбөр”-ийг эхлүүлж, эхний уншигч /оюутан Ц.Маралмаа/ -ийг бэлтгэж эхэлсэн. Гэвч хагас жилд уг хөтөлбөрийн хүрээнд 2 ажил төлөвлөснөөс сайн дурийн уншигч нарыг сургах ажил хангалттай үр дүн үзүүлсэнгүй. Учир ихэнх сайн дураар ажиллах хүмүүс амралтын өдрүүдэд болон бусад өдрүүдэд ажлын цаг дууссанаас хойш ажиллах боломжтой гэсэн хариу өгсөн тул уг ажлыг зогсоосон.

Цаашлаад (DAISY) студид E-PUB 3.0 цахим номны стандарт шинээр нэвтрүүлэх боломж бүрдсэнтэй холбоотойгоор компьютерийн бичвэрийг яриа болгох судалгааны ажлыг эхлүүлж 3 сайн дурийн хүмүүсийг хамруулж байна. Судалгааны хүрээнд 5000 орчим Монгол хэлний сонгомол өгүүлбэрүүдийг бичлэг болгож ажлын явц хагас жилийн байдлаар үргэлжлэн сайн явагдаж байна.

ХБИ-ийн брайль болон цахим номын сангийн уншлага үйлчилгээг олон улсын түвшинд хүлээн зөвшөөрөгдсөн чанар, хүртээмж, багтаамжийг нэмэгдүүлэх зорилгоор үйл ажиллагааны болоод дэвшилтэд цахим техник технологийн ажлуудыг санаачлан хэрэгжүүлж эхлээд байна. Үүнд: 1/ Олон улсын номын “ABC GLOBAL BOOK SERVICE” үйлчилгээнд нэгдэн орлоо.



“DAISY E-PUB” цахим хэвлэлийн 3.0 стандартыг “DAISY студиэд нэвтрүүлэхээр програм хангамжийн шийдлийн судалгааг эхлүүлэн ажиллаж байна.

3.8. Мэргэжил аргазүйн үйлчилгээ

Номын сангийн Мэргэжил аргазүйн зөвлөл, Олон нийтэд үйлчлэх тасгаас Монголын номын сангуудын консорциум, БСШУСЯ, АНУ-ын ЭСЯ-тай хамтран “Номын санчдын цуврал сургалт”-ыг зохион явуулахаар болсон бөгөөд нэгдүгээр сард “Номын сангуудын хамтын ажиллагаа”, “Номын сангийн бүтээлч орон зай”, “Номын сангийн менежмент, маркетинг”, “Номын сангийн лавлагааны ажил” сэдвийн дор АНУ-ын төрийн департаментийн Бээжин дэх бүс нутаг хариуцсан төлөөлөгч, Америкийн соёл мэдээлийн төвүүдийг хариуцсан мэргэжилтэн Жон Даминикантониогоос сургалт авлаа. Сургалтанд бүх шатны номын сангуудын төлөөлөл 50 гаруй номын санчид хамрагдсан юм.



Цуврал сургалтын удаах сургалт нь Каталогч, номзүйчдийн хэлэлцүүлэгээр үргэлжилсэн юм. Хэлэлцүүлгийн үеэр каталогийн галиглал, MARC пормат, мэргэжлийн гарын авлага, Z39.50 протокол, мэдээллийг нэгнээсээ татаж авах боломжуудыг нээх талаар ярилцлаа. Хэлэлцүүлэгт 10 гаруй байгууллагын 33 хүн хамрагдлаа.

Хотын нийтийн төв номын сан, алслагдсан дүүргүүдийн буюу Багануур, Багахангай, Жаргалтын соёлын ордны номын санчдад каталогжуулалт болон ном сэлбэн засахын сургалтыг каталогч Н.Одхүү, сэлбэн засагч Ц.Одсүрэн нар зохион байгуулж, каталогжуулалтын сургалтад 20 хүн, сэлбэн засахын сургалтанд 6 хүн тус тус хамрагдав.



Mongolian Libraries Consortium – Монголын Номын Сангуудын Консорциум-аас Хэнтий аймгийн сумдын номын санчдад зориулсан сургалтыг зохион байгууллаа. Сургалтанд оролцсон номын санчид Улаанбаатар Хотын Төв номын сангийн үйл ажиллагаатай танилцлаа.



123 орны 20000 орчим номын санг нэгтгэсэн “OCLC буюу Online Computer Library Center-ээс Ази ном далайн орнуудад зориулсан үйлчилгээ” сэдэвт сургалтыг 2018 оны 5-р сарын 17-ны өдөр Хотын нийтийн төв номын санд зохион байгууллаа. Илтгэгчээр OCLC-ийн Ази номхон далай хариуцсан дэд ерөнхийлөгч ноён Andrew Wang, гүйцэтгэх захирал хатагтай Shu En Tsai нар оролцож, OCLC байгууллагын үйл ажиллагааны талаар мэдээлэл хүргэж, Ази номхон далайн орнуудын номын сангуудад зориулсан номын сан, номзүй, каталогийн үйлчилгээний танилцуулга зэрэг 11 бүтээгдэхүүн үйлчилгээнийхээ талаар танилцуулга хийж, ярилцлага өрнүүлж сонирхсон асуултанд хариулав. Уулзалт лекцийг БСШУСЯ, Монголын номын сангуудын консорциумын санаачлагаар Улаанбаатар хотын төв номын санд зохион байгууллаа.



ОХУ-ын Буриад хотын И.К.Калашниковийн нэрэмжит Улан-Үдэ хотын төв номын сангийн 50 жилийн ойн арга хэмжээнд ном зүйч О.Долгорсүрэн, ахлах номын санч Г.Баяржаргал, номын санч Д.Дэлгэрсайхан нар оролцож туршлага судлах 5 өдрийн сургалтад хамрагдаад ирлээ.

IVLP буюу Олон улсын манлайлагчдын зочин хөтөлбөрийн хүрээнд АНУ-д "Library resource management" сэдвээр туршлага судлах, мэдээлэл солилцох 10 өдрийн сургалтад Захиргаа, удирдлагын албаны даргын үүргийг түр орлон гүйцэтгэгч М.Отгонбаяр, ОНҮТ-ийн эрхлэгч В.Түвшинтогтох, хөтөлбөрийн номын санч Б.Шүрэнбагана нар хамрагдлаа. Уг сургалтын хүрээнд АНУ-ын Петтсбург хотын А.Карнегийн нэрэмжит харааны бэрхшээлтэй иргэдийн номын сантай хамтран ажиллахаар боллоо. Сургалтад хамрагдаж ирсэн ажилтнууд 06 дугаар сарын 27, 28-ны өдрүүд, мөн 07 дугаар сарын сүүлч, 08 дугаар сарын эхээр орон нутгын номын санч нарт зориулсан сургалтыг зохион байгуулахаар төлөвлөж байна.



Тайлант хугацаанд мэргэжил шаардсан 47 албан тушаалд ажиллаж байгаа ажиллагсдын 45 нь буюу 95,7% мэргэжлийн дагуу ажиллаж байгаа. Мөн 1 ажилтан бакалавр зэрэг номын сан судлал мэргэжлээр төгссөн.

Одоо ажиллаж байгаа ажиллагсдын 67,2% буюу 33 ажилтанд ур чадварын нэмэгдэл олгож, 15 ажилтны цалингийн шатлалыг ахиуллаа.

“Хамтын гэрээ”-ний 6 дугаар зүйлийн 6.7 дэхь заалтын дагуу нийт ажиллагсдыг эрүүл мэндийн урьдчилсан үзлэгт 2018 оны 09 дүгээр сард бүрэн хамруулахаар төлөвлөж байна.

Өргөдөл, санал, гомдлын шийдвэрлэлт

Тайлант хугацаанд 14 өргөдөл ирснийг дэвтрээр болон www.ub.1234.mn цахим системд бүртгэн, шийдвэрлэлтэд хяналт тавьж ажилласан.

Төрлийн хувьд өргөдлийн 92,8% нь номын сангийн ажиллагсад, 7,2% нь иргэнээс ирсэн хүсэлт байна.

3.9. Соёл, олон нийтийн ажлын талаар


Төв болон салбар номын сангуудын хэмжээнд соёл, танин мэдэхүйн ажлуудаа Нийслэлийн Засаг даргын Үйл ажиллагааны мөрийн хөтөлбөр, Эдийн засаг, нийгмийн зорилтын дагуу төлөвлөн явуулахын зэрэгцээ өсвөр үе, залуучуудыг соён гэгээрүүлэх, чөлөөт цагийг зөв боловсон өнгөрүүлэх, хэрэгцээтэй мэдлэг мэдээллээр хангахад чиглүүлэн дараах арга хэмжээнүүдийг зохион байгууллаа.

д/д	Үйл ажиллагааны ерөнхий нэр	Давтамж	Хамрагдсан хүний тоо
1	Уулзалт лекц	43	1435
2	Уралдаан, тэмцээн	28	776
3	Сургалт	39	1599
4	Тойм яриа	2	123
5	Зөвлөмж яриа	16	564
6	Чанга уншлага	18	641
7	Кино үдэш	20	250
8	Номын нээлт	5	213
9	Бусад	4	87
	НИЙТ	175	5688

	Номын үзэсгэлэн	Давтамж	Номын тоо
1	Шинэ номын үзэсгэлэн	24	536
2	Сэдэвчилсэн номын үзэсгэлэн	130	1864 ном, 25 судар, 157 хэвлэмэл материал
3	Байнгын үзэсгэлэн	8	197
	НИЙТ	162	2779

Эдгээрээс томоохон соёл олон нийтийн ажлаас дурдвал:

СУИС-тай хамтран РТМУС-ийн авьяаслаг оюутан залуусын шинэ, шилдэг уран бүтээлүүдээс бүрдсэн “CREATIVITY” гэрэл зургийн үзэсгэлэнг 2018 оны 03 сарын 07-ны өдрөөс 03 сарын 10-ыг дуустал Улаанбаатар хотын төв номын санд гаргалаа.



Олон Улсын эмэгтэйчүүдийн эрхийг хамгаалах өдрийг тохиолдуулан, хүүхдүүдийн гэр бүлийн уур амьсгалыг дэмжих зорилгоор “Миний ээж” сэдэвт шүлгийн уралдааныг уншлагын “Б” танхимаас зохион байгуулсан бөгөөд уралдаанд нийт 13 бүтээл ирснээс 1-р байранд Д. Энхжаргал, 2-р байранд Б.Мөнгөнчимэг, 3-р байранд Д.Оюундарь тус тус шалгарлаа. Уралдаанд ирсэн бүтээлүүдээр үзэсгэлэн гаргаж олон нийтэд үзүүлээ.



Сурагчдын Англи хэлний боловсролд зориулан 2018 оны 2 сарын 12-нд “Үг үсэглэлийн тэмцээн”-ийг уншигчдын дунд зохион явуулж уншигч н.Дөлгөөн, н.Тэмүүлэн, Хулан нар амжилттай оролцож эхний гурван байрыг эзэллээ.



Мөн Англи хэлээр Чанга уншлагын хичээл зохион байгууллаа. Чанга уншлагад "Онол" дунд сургууль болон Аксэс хөтөлбөрийн нийт 21 сурагчид оролцож "Өглөгийн мод" номыг Англи хэлний багш н.Тансагтай хамт хичээнгүйлэн уншиж дараа нь тус номын тухай хэлэцүүлэг хийв.



Продюсер ,яруу найрагч ,сэтгүүлч Б.Шүүдэрцэцэгийг урин 52,75,15-р сургуулийн 6-9 –р ангийн нийт 81-н сурагчидад уулзалт зохиов уулзалтанд оролцсон сурагчид 23 асуулт асууж амжилттай сайн оролцлоо.11ш номоор үзэсгэлэн гаргав.



Монгол Улсын Байгаль орчны гавъяат ажилтан зохиолч, яруу найрагч Б.Чимэдтэй “Мод тарих арга арчилгаа” уулзалтыг зохион байгууллаа. Уулзалтанд 35 уншигч, ажилчид оролцлоо.




Д.Нацагдоржоор овоглосон Улаанбаатар хотын хотын нийтийн төв номын сангаас сар бүр Д.Нацагдоржийн шагналт зохиолчидтой “Уулзалт, өдөрлөг” зохион байгуулахаар болж, 2018 оны 03 сарын 15-ны өдрийн 11 цагаас Д.Нацагдоржийн шагналт, “Алтан өд” наадмын шагналт зохиолч, яруу найрагч Ц.Буянзаяатай уулзалт ярилцлага хийсэн. Уулзалтын үеэр “Сэтгэлгээний чөлөөлөлт ба орчин үе” лекц, “Хар үхэр, алаг сүүдэр” романы нээлт болж уулзалтанд 80 гаруй хүн хамрагдлаа.

УЛААНБААТАР ХОТЫН ТӨВ НОМЫН САН

Д.НАЦАГДОРЖИЙН ШАГНАЛТ
ЗОХИОЛЧИДТОЙ ХИЙХ
“УУЛЗАЛТ-ӨДӨРЛӨГ”
АНХНЫ ЗОЧИН ЗОХИОЛЧ Ц.БУЯНЗАЯА

- “Сэтгэлгээний чөлөөлөлт ба орчин үе” лекц
- “Хар үхэр, алаг сүүдэр” романы нээлт
- Гарын үсэгтэй, хямдралтай номын худалдаа

Хэзээ: 2018.03.15-ны өдөр 11:00 цагт
Хаяв: Д.Нацагдоржийн нэрэмжит Улаанбаатар хотын нийтийн төв номын санд



Америкийн боловсролын зөвлөгөөний төв нь 2018 оны 02 дугаар сараас эхлэн Увс, Ховд болон Дорноговь аймгийн номын сантай хамтран онлайн уулзалтыг явуулж эхэлсэн бөгөөд нийт 5 удаагийн онлайн зөвлөгөөг 38 оюутан сурагчдад хүргэсэн.



Сурагчдын амралт эхэлсэн байгаатай холбогдуулан 03 сарын 27-ноос 04 сарын 01-ны өдрийг хүртэл ЕБС-ийн 1, 2, 3-р ангийн сурагчдад зориулан “Хурдан уншлага” унших чадварыг хөгжүүлэх хөтөлбөрийг хэрэгжүүллээ. Уг хөтөлбөрийн хүрээнд



Дөрөв. БАЙГУУЛЛАГЫН ҮЙЛ АЖИЛЛАГААНЫ ИЛ ТОД БАЙДАЛ

4.1. Үйл ажиллагааны ил тод байдал:

Тус номын сангаас иргэдэд үзүүлж байгаа үйлчилгээ, уншигчаар бүртгүүлэх, гэрээр ном авахад шаардлагатай баримт бичиг, ажлын цагийн хуваарь, үйлчилгээний журам, дотоод журам, байгууллагын үйл ажиллагааны төлөвлөгөө, тайлан, арга хэмжээний зар мэдээ зэрэг иргэдэд зайлшгүй шаардлагатай 49 холбогдох мэдээ, мэдээллийг www.pl.ub.gov.mn цахим хуудсаараа мэдээлсэн.

Номын сангийн захирлын 2016 оны 03 дугаар сарын 04-ний өдрийн А/03 дугаар “Төлбөрт үйлчилгээний үнийг шинэчлэх батлах” тушаалыг, үйлчилгээ авахад шаардах баримт бичгийн жагсаалт болон холбогдох мэдээллийг хамт ойлгомжтой байдлаар цахим хуудсанд болон мэдээллийн самбарт байршуулсан байгаа.

Номын сангийн эрхлэгч нарын овог нэр, албан тушаал, харилцах утас, ажиллах цагийн хуваарийн хамт цахим хуудсанд болон мэдээллийн самбартаа байршуулсан.

4.2. Хүний нөөцийн ил тод байдал:

Номын сангийн цахим хуудасны нээлттэй ажлын байр цэсэнд, мэдээллийн самбараар сул орон тооны зарыг 5 удаа байршуулан тухай бүр шинэчилж байгаа. Үүнд: номын санч 3, хуулийн зөвлөх, хүний нөөцийн мэргэжилтэн 1, үйлчлэгч 1.

Номын сангийн албан хаагчдын ёс зүйн дүрмийг номын сангийн захирлын 2018 оны 06 дугаар сарын 05-ны өдрийн А/18 дугаар тушаалаар баталж, цахим хуудсандаа болон мэдээллийн самбартаа байршуулсан.

Тав. БУСАД МЭДЭЭЛЭЛ

5.1. Төсөв, санхүүгийн ил тод байдал:

2018 оны 01 дүгээр сарын 01-ний өдрөөс эхлэн Шилэн дансны тухай хууль, холбогдон гарсан журам, заавар, захирамжийн дагуу төсөв санхүүгийн бүхий л мэдээллийг сар бүрийн 5-ны дотор гүйлгээ хийсэн тухай бүртээ шилэн дансны нэгдсэн болон байгууллагын шилэн данс цэсэнд тогтмол байршуулж байна.

ТАЙЛАНТАЙ ТАНИЛЦСАН:
ЗАХИРАЛ

Д.ИНДРА

ТАЙЛАН НЭГТГЭСЭН:
АРХИВ, БИЧИГ
ХЭРГИЙН АЖИЛТАН

М.ЭНХ-УЯНГА